

**Praxis Iurispatronatus Acquirendi, conseruandiq[ue] illud;
ac amittendi modos breuiter continens**

Viviani, Giuliano

Romae, 1620

Cap. 1. in quo habetur, quod omnes possunt præsentari, qui non sunt
prohibiti.

[urn:nbn:de:hbz:466:1-61772](https://nbn-resolving.de/urn:nbn:de:hbz:466:1-61772)

LIBER SEXTVS

In quo tractatur materia
præsentandorum.

CAPVT PRIMVM.

In quo habetur, quod omnes possunt præsentari, qui
non sunt prohibiti.

SUMMARIUM.

- 1 Præsentari possunt qui non sunt prohibiti.
- 2 Clerici dicuntur habentes primam tonsuram.
- 3 Ordines sunt septem secundum Theologos, & secundum Canonistas nouem.
- 4 Clericus prima tonsuræ gaudet priuilegio clericali.
- 5 Si habeat beneficium, vel deferat habitum clericalem, & de mandato Episcopi ecclesiae inseruiat.
- 6 Concil. Trident. Seff. 23. de reform. cap. 6.
- 7 Clericus prima tonsuræ præsentari potest, nisi beneficium

requirat maiorem ordinem.

- 8 Clericus coniugatus non potest habere beneficia.
- 9 Si tamen incedat in habitu, & tonsura, habere potest ex dispensatione Apostolica.
- 1 Vnc est † videndum, qui possint præsentari in Ecclesia patronata, seu beneficio. Præsentari ergo omnes possunt, qui non prohibentur, puta in locis Religiosis clerici, ut toto tit. de iure patron. & 16. q. 7. per totam,
- 2 & clerici † dicuntur etiam illi, qui habent primam tonsuram, quæ (licet secundum
- 3 Theologos, qui septem † tan-

tum ordines ponunt ob septiformem gratiam Spiritus sancti non sit ordo (vide D. Thomam in Summa in Supplemento ad tertiam partem. quæst. 37. art. 2.) tamen secundum Canonistas, qui nouem ordines ponunt addendo psalmistatum, idest primam tonsuram, & Episcopatum secundum nouem ordines Angelorum ecclesiæ triumphantis, dicitur ordo ca. clerros, distinct. 21. Abb. in cap. cum in cunctis. §. cum vero. num. 2. de elect. glos. & Doctor. in princ. proœm. sexti decretal. in verbo Episcopus, & in cap. cum contingat. de ætat. & qualitat. & clericus

4 primæ + tonsuræ gaudet priuilegijs clericalibus, scilicet priuilegio ca. si quis suadente. 17. quæst. 4. priuilegio fori. cap. si diligenter de foro competenter. glos. in dicto ca. clerros. distinct. 21. sed tamen hoc + declaratur, quod gaudeat fori priuilegio, si beneficium ecclesiasticum habeat, aut clericalem habitum, & tonsuram deferens alicui ecclesiæ ex mandato Episcopi inseruiat, vel in seminario clericorum; aut in

aliqua schola, vel Vniuersitate de licetia Episcopi, quasi in via ad maiores ordines suscipiendos versetur. ita

6 Concil. + Trident. sess. 23. de reformat. cap. 6. Clericus

7 primæ + tonsuræ recte presentatur, nisi beneficium in præsentato requireret maiorem ordinem ex ordinatio- ne fundatoris, quia talis habens ordinem requisitum debet præsentari. cap. significatum. de præbend. attenditur igitur natura beneficiorum. iuxta not. in cap. cum accessissent. de constitution. & per Lambertin. de iure patronat. lib. 2. parte 1. quæstione 7. articulo 2. Clericus

8 autem + coniugatus licet veniat appellatione clericorum, & possit coniugari cum vnicâ, & virgine. c. 1. de cleric. coniug. non potest tamen habere beneficia. c. 1. c. 2. c. diuersis. & c. Ioannes. de cleric. coniug. & rationem ponit Abb. in dicto c. diuersis; si tamen

9 incedat + in habitu, & tonsura, potest ex dispensatione apostolica habere beneficium simplex. glos. vlt. in dicto c. Ioannes. cum consensu pa- troni, Lamb. ubi supra. art. 3.

CAP VT